



BELEID VIR GODSDIENS EN GODSDIENBEOEFENING

Aanhef

Hierdie dokument is die godsdiensbeleid van DIE PRIMÈRE SKOOL UNIVERSITAS, soos die beheerliggaam goedgekeur. Die godsdiensbeleid erken die fundamentele waardes wat in die Grondwet van die Republiek van Suid-Afrika, Wet 108 van 1996; die toepaslike bepalinge van die Suid-Afrikaanse Skolewet, Wet 84 van 1996, en ander tersaaklike provinsiale wetgewing vervat word.

Artikel 15(1) van die Grondwet bepaal dat elke persoon die reg het op vryheid van gewete, godsdiens, denke, oortuiging en mening.

Artikel 15(2) bepaal voorts dat godsdiensbeoefening by staats- of staatsondersteunde instellings kan geskied, mits:

- (a) sodanige beoefening die reëls nakom wat deur die tersaaklike openbare owerheid neergelê is;
- (b) dit op 'n billike grondslag geskied; en
- (c) bywoning daarvan vry en vrywillig is.

Die Primêre Skool Universitas erken dat bogenoemde regte nie absoluut is nie en deur artikel 36 van die Grondwet beperk kan word.

Artikel 7 van die Suid-Afrikaanse Skolewet verleen aan die beheerliggaam die mag om die reëls ingevolge waarvan godsdiensbeoefening moet geskied, te bepaal. Hierdie mag is onderhewig aan die Grondwet en enige ander toepaslike provinsiale wetgewing. Godsdiensbeoefening moet op 'n gelyke grondslag geskied, en opvoeders en leerders se bywoning moet vrywillig wees.

Op grond van bogenoemde het die beheerliggaam van Universitas hierdie godsdiensbeleid met inagneming van die godsdiensstige samestelling van die skool en ter uitvoering van die missie van die skool opgestel.

Universitas onderneem om te verseker dat elke verteenwoordigende godsdiens by die skool op gelyke grondslag hanteer sal word.

Woordomskrywings

‘Godsdiens’ - verwys na die omvattende en fundamentele oriëntasies in die wêreld, met bepaalde verwysing na heilige, spirituele en niesekeulêre oortuigings; vereis toewyding; sluit georganiseerde vorme van geloof en sekere wêreldbeskouinge in, en word ook kollektief gebruik om na daardie organisasies te verwys wat opgerig is ten einde hierdie oortuigings te beskerm en te bevorder.

‘Godsdiensteonderrig’ - verwys na ’n kurrikulêre program met duidelike en ouderdomsverwante opvoedkundige doelwitte wat vir die onderrig en leer van godsdiens, godsdienste en godsdienstige diversiteit in Suid-Afrika en die wêreld deur die Departement van Onderwys voorgeskryf word. Die studie van godsdiens moet ten doel hê om herkenbare opvoedkundige doelwitte te bereik wat in ooreenstemming is met die doelwitte en uitkomste van ander leerareas, en programme in Godsdiensteonderrig moet, soos ander leerareas in die kurrikulum, tot die ontwikkeling van grondliggende waarnemings-, luister-, lees-, skryf- en denkvaardighede bydra.

‘Godsdiensonderrig’ - verwys na ’n program met inligting oor ’n bepaalde godsdiens wat ten doel het om navolging van daardie bepaalde godsdiens te bevorder. Die beheerliggaam beskou die huisgesin en geloofsgemeenskap as die hoofvoorsieners van godsdiensonderrig. Die skool is ’n opvoedkundige instelling, en godsdiensonderrig maak dus nie deel uit van die formele skoolprogram nie. Die skool sal wél sy geriewe vir sodanige programme beskikbaar stel, met dien verstande dat godsdiensonderrig nie met die formele opvoedkundige doelwitte van die skool inmeng nie.

‘Godsdiensbeoefening’ - dui op daardie aktiwiteite of optrede wat aan die waardes van ’n bepaalde geloof of oortuiging uiting gee, en sluit onder andere bidure, Skriflesing, kleredrag en diëte in. Ingevolge die Suid-Afrikaanse Skolewet kan godsdiensbeoefening op die volgende maniere geskied:

- Vrywillige, openbare geleenthede waar die skool se geriewe vir die doel van godsdiensbeoefening gebruik word
- Vrywillige geleenthede (in skooltyd) deur die skoolgemeenskap (leerders en opvoeders)
- Vrywillige geleenthede in gewone of ander pouses by die skool

Skool se missie

Universitas se godsdiensbeleid (Sien bylaag aangeheg)

Ter uitvoering van die skool se visie en missie is Universitas se godsdiensbeleid op ’n enkele godsdiens, naamlik Christelike geloof, gegrond. Omdat Universitas die waardes

in die Handves van Regte erken en eerbiedig, verseker die beheerliggaam dat die beoefening van ander godsdienste gerespekteer en in ag geneem sal word.

Opvoeders en leerders sal die bepaalde godsdienstebeoefening vrywillig kan bywoon. Die skool sal opvoeders of leerders geensins verplig om aan godsdienstige aktiwiteite deel te neem waarteen hulle 'n gewetensbeswaar het nie. Alternatiewe reëlins sal getref word vir toesig oor die leerders wat nie die godsdienstebeoefening wil bywoon nie. Leerders moet die skool van 'n brief voorsien waarin hul ouers die gewetensbeswaar bevestig.

Godsdiensteonderrig sal ooreenkomstig die Nasionale Beleid oor Godsdienste en Opvoeding geskied. Dié onderrig maak deel uit van die leerarea Lewensoriëntering. Sodanige onderrig sal vanuit die skool se oogpunt geskied soos wat sy missie en visie dit bepaal.

Geen opvoeder sal verplig word om godsdiensteonderrig te gee indien hy/sy 'n gewetensbeswaar teen die inhoud van die kurrikulum het nie. Sodanige beswaar moet skriftelik aan die skoolhoof oorgedra word. Die beheerliggaam kán oorweeg om 'n persoon/persone aan te stel wat nie 'n probleem sal hê om die bepaalde program aan te bied nie.

Universitas sal sy geriewe vir godsdienstebeoefening deur enige verteenwoordigende godsdienstige groep in die skool beskikbaar stel. Sodanige beoefening mag slegs buite skoolure geskied, mag nie op die formele opvoedkundige doelwitte van die skool inbreuk maak nie, en is onderhewig aan voorwaardes wat die beheerliggaam bepaal.

Universitas sal sover moontlik begrip en respek vir godsdienstige diversiteit bevorder en uitbou.

GOEDGEKEUR DEUR DIE BEHEERLIGGAAM

Datum: 2021-08-24

J. Kriel



Voorsitter vd Beheerliggaam

BELEID VAN GODSDIENS EN GODSDIENSBEOEFENING

(Bylaag tot godsdiensbeleid)

Ooreenkomstig die NasionaleOnderwyswet, Wet, nr 27 van 1996 het die Beheerliggaam die regom die beleid vir godsdiensbeoefening, die etos en karakter van die skool te bepaal.

Die Beheerliggaam bepaal dan ook opgrond van ons ouer- en leerdersamestelling en oortuigings dat die Primêre Skool Universitas 'n Christelike Opvoeding en beoefening aanvaar, met in aggenome van die volgende aspekte, ooreenkomstig die wet.

1. Die bestuur erken die reg van vryheid van godsdiens.
2. Dat daar onder geen omstandighede diskriminasie mag plaas vind nie en dat daar godsdiens-verdraagsaamheid moet wees.
3. Geen leerder gedwing sal word tot 'n Christelike oortuiging nie.
4. Beoefening deur leerders met ander oortuiging, waar prakties moontlik, sal toegelaat word.
5. Ander godsdienste sal deur onderrig aan leerders bekendgestel word, ooreenkomstig die Nasionale Kurrikulum.
6. Geen opvoeder sal sy voorkeure afdwing nie.
7. Saal-, klasopeninge, vergaderings, sport- en kultuurbyeenkomste en sosiale geleenthede mag met skriflesing uit die Bybel gedoen word en met gebed opgevolg word, bogenoemde in aggenome.

GOEDGEKEUR DEUR DIE BEHEERLIGGAAM

Datum: 2021-08-24

J. Kriel



Voorsitter vd Beheerliggaam

